

授堂金石文字續跋

授堂金石文字續編卷十二

偃師武億虛谷著

男穆淳編

孫耒重校刊

遼太子左衛率府率李內貞墓誌

保寧  
上年

碑誌爲太谷孟君濬所得在今京師琉璃審廠旣封其墓屬大興朱先生可爲文記之予丙午歲視此石已漫剝不可讀後得朱先生記云隴西李公諱內貞字吉美媯汭人後唐莊宗時舉秀才除授將仕郎試秘書省校書郎守雁門縣主簿次授儒林郎試大理寺守媯州懷來縣丞亂後歸遼太祖一見器之加朝散大夫檢校工部尙書兼御史中丞賜紫金魚袋兼屬珊都提舉使太宗初改銀青崇祿大夫檢校尙書右僕射改燕京留守南面行營都統燕王

牒蠟以公才識俱深委寄權要補充隨使左都押衙中門使兼知廳勾次授薊州刺史次授銀冶都監景宗改檢校司空兼御史大夫上柱國次行太子左衛率府保寧十年六月一日薨于虛龍坊私第享年八十其年八月八日葬于京東燕下鄉海王村予以李君歷官考之遼史百官志初加朝散大夫改銀青崇祿大夫階也上柱國勳也志皆無文又兼屬珊都提舉使考志于北面內載珊軍詳穩司應天皇太后置軍二十萬選番漢精兵珍美如珊瑚故名而都統所屬有隨使左都押衙中門使兼知廳勾由都統委授南面財賦官右銀冶都監志皆不及之非得此誌則奚所補焉牒蠟見並二臣傳爲行營都統志稱行軍都統亦

異文也稱崇祿大穴不言光祿者避太宗諱也

景州陳宮山觀鷄寺碑

正書太安九年九月在豐潤縣

碑前列燕京右街天王寺講經律論前校勘法師沙門志延撰并書兼篆額文云案幽州土地記薊城三百里陳宮山有觀鷄寺俗傳說會觀山峰有金鷄之瑞因以名焉載考初修不詳何代予以水經注証之巨梁水出土垠縣北陳宮山西南流逕觀鷄山謂之觀鷄水水東有觀鷄寺寺有大堂甚高廣可容千僧酈氏當元魏時此寺已見于注蓋所起遠矣又云北依遵化城實前古養馬之監南隣承濟院乃我朝煮蠶之場遼史地里志景州本薊州遵化縣遵化縣本唐平州買馬監爲縣來屬依碑當作養馬監而

永濟院之煮爇各貨志亦不著其名亦當補史缺也文內  
真寂之鄉真字缺點避興宗諱是碑與乾統二年涿州雲  
居寺碑及金智度寺邑人供塔碑銘雲居寺重修舍利塔  
碑豐潤大天宮寺碑元涿州無住禪師碑元應張真人道  
行碑歷代名賢碑朱竹垞日下舊聞皆未收入故并識於  
此

觀音菩薩地宮舍利函記

正書在京師法源寺

京師南城西偏唐大憫忠寺今易名法源寺遼藏舍利函  
石記存焉舊爲院墻脚支龕方石錢少詹事始屬寺僧另  
移置之今按後顯應有太安十年歲次甲戌閏四月辛未朔  
二十二日甲時成君跋云予頃遊馬鞍山戒壇寺見遼寧

士王鼎撰法均禪師碑後題乾時又石幢二皆遼時刻一  
題庚時一題坤時潭柘寺有了公禪師塔銘金大定中刻  
亦題庚時今此記稱甲時蓋金遼金石刻之文多作斯語  
以甲乙丙丁庚辛壬癸乾坤艮巽代十二支也愚謂此陰  
陽拘忌之說其傳已久顧亭林嘗謂歷家天盤二十四時  
有艮巽坤乾不知其所始因按之淮南子天文訓子午卯  
酉爲二繩丑寅辰巳未申戌亥爲四鈞東北爲報德之維  
西南爲背陽之維東南爲常羊之維西北爲躡通之維此  
四維卽艮巽坤乾後人省文取卦名當之其說詳矣然以  
卦名汶易亦未實指其故攷舊唐書呂才傳若依墓書多  
用乾艮二時並是近夜半呂才在唐之初所序墓書已云

然蓋術士竄易爲之也又宋天禧四年送奉神迹碑石題

名有云四月二十七日已後午前丙時豎立訖唐潘智昭

墓誌後題天寶七載七月五日景時北齊書南陽王綽傳以五月五日景時生

至午時後王乃生景時者丙時也然則金石刻之文不獨遼金爲然矣

雲居寺供塔燈邑碑行書乾統十年九月在涿州

碑前列崇教寺沙門行鮮撰後列陽嶽沙門圓融書其文

載舍利始於西來高僧出之臂間後有百法上人得之寺

僧大德文密與衆謀議化錢建塔一座燈邑高文用等誓

志每歲上元廣設燈燭環於塔上三夜不息遼之遺俗後

於佛事此其一也燈邑卽近人稱燈社爾他無足紀者圓

融書勢深似李北海遼刻佳本可寶也

金

智度寺邑人供塔碑銘

正書天會十年六月在涿州

碑載涿州城東北隅智度寺中有塔爲如來具體之一郡人周永逸楊遵式倡衆興供佛塔當四月八日如來降生之辰其事最侈陳因以刻石前列鄉人將仕郎試大理評事李端謀撰同泰寺沙門法誦書後列邑長彰信軍節度使金紫崇祿大夫檢校大保知涿州軍州事清河縣開國子食邑五百戶張元徵中散大夫起居郎同知涿州軍州事都騎尉東陽縣開國男食邑三百戶賜紫金魚袋寧朔涿州軍事判官文林郎試秘書省校書郎張綱按元徵見金史張汝弼傳云父元徵彰信軍節度使元素之兄也此



碑所署銜與史合惟崇祿大夫不載百官志攷遠史百官志崇祿寺避太宗諱光改階光祿大夫者皆易崇祿意金之初尙襲其制未及釐正也與寧獬階中散大夫志稱中散爲內侍之階天德創制今加于文職事官大金國志五品謂文臣中散大夫至朝列大夫是其徵也都騎尉及秘書省皆與志騎都尉秘書監不符都騎尉或上石者倒訛又省監亦可互稱故云然

定光禪師塔銘

正書皇統二年十月在長清

右碑濮陽李魯撰濟南高鯉書儒林郎行臺大理寺丞韓全篆額行臺之制以別于中臺天眷三年移置汴京皇統二年定行臺官品皆下中臺一等然則此題大理寺丞降

于正六品故嘗階儒林郎僅依從七品之下此皇統新制也後立石者結銜起復昭武大將軍陝西諸路轉運使劉益百官志轉運陝西有東西路案地里志天德二年京兆府置陝西東路轉運司平涼府置陝西西路轉運司此當皇統二年陝西轉運猶未分東西路也因言諸路以舉之與定光俗姓周揚州天長縣城人皇統元年住靈巖明年化去銘依昌黎韓洵通仕所敘行狀侈言茶毗種種之異幻銘僧徒者諛詞之常如是

普照寺碑

正書皇統四年十月在沂州府

碑斷裂書換人名氏僅有汝尙二字存按之齊乘所載爲中陶仲汝尙也于氏去金未遠其載此碑猶全具然亦約

舉其文云當子城西南有古臺臺西有廢池耆舊相傳臺  
曰曬書池曰澤筆東晉王右軍故宅也往歲得斷碑于土  
中謂招提復興于後魏唐賜額開元宋崇寧初詔改爲天  
寧萬壽禪寺逮廢齊居攝專用苟政理國知衆不附尤狹  
中多忌凡浮屠老子之居一切廢革遂易天寧爲普照云  
今以碑証之皆與相符後題銜奉國上將軍行沂州防禦  
使事兼管內按撫使統押沂海路萬戶兵馬高召和召和  
卽與覺海復葺此寺者也金史廢帝紀正隆三年十二月  
乙卯以樞密副使張暉爲尙書右丞歸德尹致仕高召和  
式起爲樞密副使又高彪傳彪本名召和失辰州渤海人  
爲武寧軍節度使頗黷貨嘗坐贓海陵以其勲舊杖而釋

之改忻州防禦使以碑証之當作沂傳刻悞也其嗜奉國  
上將軍及兼官傳皆略不書宜以此碑補之又名召和不  
作召和式似式與失爲譯音之衍

張汝爲題靈巖寺記

行書正陸元年  
四月在長清

右碑記云余素好林泉久聞靈巖名山所慊塵緣未獲游  
覽比雖守官汝上亦無由一到茲因被檄賞勞徐宿邳州  
屯守軍兵還登岱宗故不憚迂遠惠然而來周覽上方勝  
概時正隆丙子歲仲夏初七日同知東平總尹遼陽張汝  
爲仲宣題金史張浩傳子汝爲卽其人也然史未著其官  
中州集汝爲字仲宣河北東路轉運使亦不錄同知東平  
總尹皆當依碑補著之總尹者地里志東平府以府尹兼

總管故并截二官名爲一與

宗城縣新修宜聖廟記

正書正隆三年四月

記前列資政大夫太常卿清河郡開國侯傅慎微撰仙巖  
翟炳書并題額炳見寶公禪師塔銘稱相州林慮縣仙岩  
梅軒居士翟炳者卽其人也其文序正隆元年歸化高元  
來爲縣簿勸誘邑中業儒者魏選等廿餘人詣漕司請邑  
東南隅故郵驛肇建新學落成刻石于堂記引論語先進  
於禮樂因釋云孔子所謂先進者禔舜禹湯文武周公之  
時仕進者也所謂後進者孔子之時仕進者也先進之于  
禮樂并田野之人教之後進之於禮樂止教好善君子而  
已亦本孔氏先進後進謂仕先後輩之解

包氏亦云謂仕也而更

肆其說錄之以見當時學所尙如此

雲居寺重修舍利塔碑

正書正隆五年七月在永州

碑前題朝列大夫前行代州五臺縣令騎都尉賜紫金魚袋李構撰無書人姓名其序藏舍利事當重熙中有郡守侍中劉公六符與寺僧可信藏俊智通文密等相謀踵興至大安八年屢有修建其餘夸飾之詞不足錄也後序中都寶塔寺前三學律主傳妙大德知殊初由本科試中于有司特補崇議大德領前件職大金國志記浮圖之教不載僧職皆由試受輒爲舉此補逸六符遼史有傳重熙初遷政事舍人擢翰林學士十一年使宋還爲漢人行宮副部署又加同中書門下平章事出爲長寧軍節度使俄召

爲三司使其于爲涿州郡守侍中未及也

彼岸院勅牒

在傅山縣  
後峪村

彼岸院勅牒石刻今存寺內龕置前院之西墻孫文定公  
顏山雜記所云金世宗大定四年勅建有尙書禮部牒文  
刻石院中餘文剝蝕不可辨讀者此也予就其側諦視之  
上層刻尙書禮部牒奉勅彼岸院下有押字另行正書大  
定二年十二月中鈐一方印又後列銜四人中憲大夫行  
員外郎李宣威將軍郎中耶律皆氏而不名又侍郎下無  
氏又末行筆畫重疊紐結成文半已殘蝕無從推論惟一  
王字下注押字金史百官志禮部尙書一員侍郎一員郎  
中一員員外郎一員此題四人與官制符其末書王字者

當爲部尙書王競也文階正五品中曰中憲大夫而員外

郎從六品凡散官高於職事者帶行字此牒中憲大夫行

員外郎可接也宣威將軍在武階正五品之中而帶於文

職事官文武階蓋金制通用如此然攷金世寺額下頒多

鬻於官食貨志大定五年上謂宰臣曰頃以邊事未定財

用闕乏自東南兩京外命民進納補官及賣僧道尼女冠度

牒紫褐衣師號寺觀名額今邊鄙已寧其悉罷之此牒當

大定二年時猶未停此制彼岸之額殆亦出於納財得之

也下刻記文題守法沙門沖口撰又題淄川段當是書石

者惜名已缺記文略可屬句村曰掩底寺曰彼岸大唐沼

法師所建十大寺中之一於是知寺固肇於唐非金世宗



創置矣村曰掩底今土人作掩的案的誤音爲滴金時寢殿小底諸名近僕沿此自稱小的亦猶是也已又有稱武略將軍武功將軍徵諸史志武階從六品下曰武略將軍而不見有武功及檢大金國志亦無聞焉於是又知此記足補遺制所未備也

大天宮寺碑記

正書大定十二年十二月在豐潤縣

記前題朝列大夫充德州防禦同知天水縣開國男食邑三百戶賜紫金魚袋趙攄撰中州集狀元內有趙內翰攄字子充宛平人自號聯全道人亦見大金集禮大定二十二年以中岳西岳北岳重修廟宇舉命待制黃久約修撰趙攄應奉黨懷英定撰各廟碑者是也又題尙書令文承

奉郎任詢書中州集詢字君謨易州軍市人正隆二年進士歷省掾太名總幕益都都司判官北京鹽使課殿降秦州節廳此云尙書令史卽爲省掾也又稱詢書法爲當時第一觀碑之用筆與顏平原無異遺山所許不誣也朝奉大夫充永濟鹽副使騎都尉東平縣開國男食邑三百戶賜紫金魚袋呂溥題額後題中靖大夫北京留守判官上騎都尉博陵縣開國子食邑五百戶賜紫金魚袋崔擴仁奉國上將軍永濟鹽使護軍天水郡開國侯食邑一千戶食實封一百戶趙敬昌同建按記所稱玉田縣永濟務大天宮寺豐潤縣志約載碑文云寺在城西南遼清寧元年鹽監張日成建有塔一十三級初名南塔院壽昌三年賜

額極樂院至金人與宋修好行府悉寓于此天會五年勅  
加大天宮寺惟前云寺在城西南卽碑稱在務之西南也  
金史地理志永濟縣大定二十七年以永濟務置未詳何  
年廢攷元孫慶瑜豐閏縣記在昔金大定間始改務爲縣  
至大定初避東海郡侯諱更名曰豐閏

讀史方輿紀要玉田縣之永濟務金

秦和中置豐  
潤縣屬薊州

是永濟縣改名豐閏非廢而不置也寺由張

日成建而塔則其嗣從宜於清寧八年所置縣志併爲一  
事書之又乾統五年改極樂院爲天宮寺亦脫記皆非也  
碑稱國朝故事凡寺名皆請於有司給授勅額其異恩者  
特加大字以冠之食貨志大定五年始罷賣寺觀名額故  
前此請授以爲故事也異恩特加大字可補史所未及

大明禪院記

正書大定十  
六年九月

予館清化日爲訪碑之遊於今月山寺得金元石刻凡數

種此記爲釋自覺述妙先書在寶光寺西偏山半巖菴中

上鑄賜大明禪院牒記大定二年幸遇皇王賜額於清風

谷內修一所精藍大小屋舍一百餘間一十四年功將了

畢者案大定二年壬午至丙申實十有四年于時僧徒之

所營築侈且遠矣記末書懷州清化鎮刊石人張鏞懷州

初以與臨潢府懷州同改南懷州天德三年去南字仍爲

懷州今碑止名懷州是也清化稱鎮元豐九域志旣未錄

入惟金史地理志載河內鎮四武德栢鄉萬善清化証之

此碑或當元豐後已有此名金遂沿而不易也與

元栢元  
真人門

泉碑河內有栢香鎮史以香作鄉非是或因籀脫上截爾又此碑少北佛座橫勒大金

正隆三年歲次戊寅九月二十七日游山至此修菴三間至大定二年歲在壬午二月初七興工至是歲五月十一日功畢下書清風菴壽禪師記

濟源縣創建石橋記

八分書大定二十年三月在濟源

記言濟源居太行之陽洩水自西北來稍折而東因高走下湍流悍急縣治適當其衝浸淫衍溢齧城隅漱石瀨至于東門之下高岸陡落幾及數尋廣狹三倍之舊嘗架木爲梁每夏秋大雨則暴漲衝射屢易屢敗大定十五年春淇水夏公禔來宰是邑因衆請易新是橋乃攻山石用圓長久蓋經始於十七年十月而告成二十年二月後列進

士王燕器記并篆額史仲尹書文字皆中古法金石刻佳  
本也

重修中嶽廟碑

正書大定二十二年十月在登封縣嶽廟

碑載中憲大夫充翰林待制同知制誥上騎都尉江夏縣  
開國子食邑八百戶賜紫金魚袋黃久約奉勅撰奉政大  
夫充翰林修撰同知制誥兼國史院編修官驍騎尉賜緋  
魚袋郝口書承直郎應奉翰林文字同知制誥兼國史院  
編修官雲騎尉賜緋魚袋党懷英篆額其述大定二十二  
年十月庚申以重修中嶽廟成制詔臣久約書其事於石  
先是十二年秋九月勅諭宰相諸嶽廟久闕修治宜加增  
飾其選使馳傳遍詣檢視以聞明年使者復命粵十月壬

午乃有重修之命蓋始事于十六年四月丁未訖于十八年六月戊子按金史世宗紀及禮志黃久約於修廟撰文皆未書惟大金集禮大定二十二年十月九日又以中嶽西嶽北嶽重修廟宇畢命待制黃久約修撰趙應奉黨懷英撰各廟碑文今此碑稱久約奉勅是其一也

靈巖寺開堂疏

正書大定二十三年九月在長清

右疏前列左平章政事今請滌公長老住持濟南府十方靈巖禪寺爲國焚修開堂演法祝延聖壽者次列疏文末題大定二十三年九月空日不書中鈐平章政事印最後題金紫光祿大夫平章政事宗國公蒲察通名案金史世宗紀大定二十一年三月尙書左丞蒲察通爲平章政事

二十三年十一月丙寅平章政事蒲察通罷據此疏左平章政事卽左丞也通居此官爲宰相之貳故當時亦云左平章政事矣始請滌公在二十三年三月之前及疏文立石實爲二十三年故前云左平章政事後書平章政事官序可案如此通本傳大定十七年拜尙書右丞轉左丞閱三歲進平章政事封任國公百官志封號小國三十內有萊云舊爲宗以避諱改據是則通封宗國其後當避睿宗諱易號任國史本此書之耳

重修汝州香山觀音禪院記

正書大定二十五年在寶豐香山寺

碑前列中奉大夫南京都轉運使上護軍太原郡開國侯食邑一千戶食實封一百戶口克口命子師儉書并篆額



文稱河南汝州之境嵩山之下汝南三十里有佛利焉在  
乎山之巔曰香山院又稱大定二十四年春天子東幸口  
國以唐國主婿大興府尹駙馬都尉奉國上將軍烏林答  
天錫移授河南路統軍使金史世宗紀大定二十四年三  
月壬寅如上京皇太子允恭守國碑所指天子東幸謂此  
也天錫以世戚之重移授統軍蓋於鎮攝封陲實爲要職  
然天錫在史無傳僅附名烏林答暉傳後云暉遷都點檢  
兼侍衛親軍副都指揮使卒詔以暉第三子天錫世襲納  
鄰河猛安親管謀克惟舉其世職書之其後歷官之重竟  
不能詳今叅以碑所題銜實由大興府尹任河南路統軍  
使勲上護軍節廣平郡開國侯食邑一千戶食實封壹伯

戶又天錫尙唐國公主例當特書而史亦脫佚良以金季之亂典文失徵無所採摭之故也

齊東野語文真使烏林答天錫到問要上降場

問金主起居摭是則天錫又充使職而史亦未及

師儉書殊逸宕有奇致金刻佳

本無踰此矣

重修文宣王廟記

正書大定二十七年元日在涿州

范陽舊有夫子廟在城東南貞元五年盧龍節度劉公所建遼統和中始移置于此大定二十三年冬汾陽郭侯預自尙書郎出殿是邦周覽庭宇憫其敝陋與僚頭武將軍梁倣先共謀斯舉起二十五年夏四月二十日癸丑訖五月八日庚寅前列銜少中大夫左諫議大夫兼尙書禮部侍郎翰林直學士知制誥上輕車都尉江夏郡開國伯食

邑七百戶賜紫金魚袋黃久約撰承德郎充翰林修同知  
制誥兼修起居注國史院編修官飛騎尉賜緋魚袋党懷  
英篆額後列西溪李嗣周書不與撰文篆額同名位懸殊  
故也立石者少中大夫行涿州刺史兼知軍事提點山陵  
輕車都尉太原郡開國伯食邑七百戶郭預金史世宗紀  
大定八年十月以涿州刺史兼提點山陵與郭預題銜合  
顯武將軍涿州倉都監兼軍資庫事騎都尉安定縣開國  
男食邑三百戶梁做先黃久約傳略其階勲及爵懷英傳  
亦失載階勲與充翰林修撰兼修起居注官皆宜以碑補  
之日下舊聞據涿州志錄此文多刪削亦由未見石本也

大明禪院鐘識

正書  
陰文

鐵鐘今在東昌府署西舊鐘樓廢臺下予主書院日詢諸生以訪古刻所在後乃得于此爲手拓其文有云大明禪院口法住持沙門僧恒周師伯法仙等名又另方題本鎮商酒都監修武校尉張令聞同監口本鎮祇候阿里振孫殿試後題大金國承安二年六月二十四日鑄造口鐘一顆重一萬三千餘斤又各方題博州堂邑曹蔡村開山鎮賀蘭鎮西雙店諸地名及出資人名氏多作太公二公大舅姑夫等稱皆俚俗人相謂鑄之金識甚可嗤也元豐九域志東阿有關山鎮江本作開山與鐘識同金史地理志亦作關山而賀蘭鎮史更未之及又稱博州維那大金國志浮圖之教在京師曰國師帥府曰僧錄僧正列郡曰都

綱縣曰維那今博州亦稱維那志失載也東昌府志列金石一門此反佚不備載益嘆採訪之疎在耳目所及尙有未及況其僻棄于遠者與此鐘旣稱本鎮當時營造不在州治所亦未知其造于何鎮俗傳自水中漂浮得之

濟陽縣創建宣聖廟碑

正書永安三年六月在濟陽

右碑斷裂幸無大損剝前列朝散大夫行太常寺口騎都尉潁川縣開國男食邑三百戶賜紫金魚袋陳大舉撰承直郎行口御史監察驍騎尉賜緋魚袋口篆額鄉貢進士張濟書丹金史百官志監察御史十二員碑以御史結銜加於監察之上疑上缺字爲侍字蓋以侍御史兼監察也碑稱濟南屬縣有七水陸俱通四方游販歲集而月至者

莫如濟陽後敘縣舊無廟學仲丁釋奠皆借僧房驛舍有  
諸文士唱之度地庀材成廟加於他邑又云邑自天會八  
年改置而來地里志不見改置始末攷齊乘濟陽本漢朝  
陽唐宋之臨邑章邱地金初劉豫割章邱之標竿鎮及臨  
邑封圻之半置濟陽縣屬濟南据是碑稱天會八年是爲  
太宗建元之庚戌明年劉豫始僭號阜昌元年蓋改置  
屬濟南不由於豫于氏所記誤也又後題銜者四人宣武  
將軍行縣尉騎都尉金源縣開國男食邑三百戶完顏口  
口徵事郎行主簿兼勾常平倉事范汝霖將仕郎守縣丞  
兼管勾常平倉事楊溶定遠大將軍縣令口管勾常平倉  
事輕車都尉廣平郡開國伯食邑七百戶李水魯口口常

平倉本以州府官提舉縣官兼提舉此又主簿丞尉並兼管勾矣皆志文所失載

會善寺請寶公長老疏

正書承安三年七月

疏鐫勒一小石頽仆在寺門外已砌置作階基予遊嵩山訪碑手自爬剔出之文尚未損泐皆可讀屬成句蓋延寶公住持是寺啟疏所由也後列銜將仕郎教授推府判盧奉議大夫河南府判趙中順大夫河南少尹完顏三人皆氏而不名証之府志盧詢高平人爲河南府教授卽疏所記教授推府判者也志未明盧詢到任及陞擢年月闕此疏在承安三年七月亦足以知盧詢歷官之時矣後又有中憲大夫同知河南府尹事但書銜名氏皆不具

石原王氏墓記

正書承安四年  
二月在孟縣

記爲鄉貢進士孟州學正雷文儒撰學正門人鄉貢進士  
劉淮書丹并題額刻于石幢經文之後內引孔子曰惟孝  
友于兄弟施於有政按古讀以孝乎惟孝絕句自僞孔書  
傳出乃以惟孝友于兄弟牽連成文尙書古文疏證深詆  
其悠謬并据淳熙九經本點斷句讀號稱精審亦以孝乎  
惟孝斷句則知改從君陳篇讀者實自朱子始今此碑所  
引當承安四年于時南北阻絕集註必不能廣逮敵境而  
朱子又晚年始脫稿則因仍君陳之文此塾師所授讀非  
一日矣閻氏之論或未然也

武威郡侯段鐸墓表

張萬公撰泰和二年  
四月在稷山縣



表載段鐸歷官事跡最詳審攷鐸于金史無傳惟附見梁  
襄傳曹州刺史段鐸薦襄學問該博鍊習典故者是其人  
也予約舉表所稱鐸字文仲與兄鈞同遊場屋都人呼稷  
山二段正隆二年登進士第五人第調長安簿守絳州絳  
縣秩滿除天德軍節度判官移宰耀州繼宰涇陽改充尙  
書兵部主事授同知棣州防禦使事復被命審決河北路  
刑獄事改中都都麴移超授大名府治中兼本路兵馬副  
都總管尋授曹州刺史移鎮平定未幾徙節授華州防禦  
使懇求致政躡進兩階授中奉大夫加護軍封武威郡開  
國侯增邑三百戶食實封一百戶俸祿仍給其半以泰和  
元年五月歸里是年十一月卒蓋鐸所居官皆有實驗爲

當時所稱而在棣州時河決滑衛間故相對瑋辟工督役  
按之劉瑋傳河決于衛自衛抵清滄皆被其害詔兼工部  
尚書往塞之與碑文合瑋有幹力其所辟如鐸者洵亦賢  
矣中都都麴務百官志中都麴使司卽其職子惟忠惟孝  
一守華州鄭縣赤水鎮酒務同監一守華州蒲城縣荆姚  
鎮酒務同監志言酒課不及三萬貫者爲院務設都監同  
監各一員此二鎮有同監是也

崇公禪師塔銘

正書大安元年三月僧不昭撰  
口柔書在登封少林寺

序稱師諱興崇俗姓侯氏汾陽西河人大定二十七年誦  
法華經中選受具之後首詣少林寺參照禪師會山陰羅  
漢禪刹虛位光祿大夫駙馬都尉蒲察知河南府洎同知

許中順命師主之照公退席少林駙馬泊治中驛騎紇石  
烈請師移踵其迹泰和七年五月南京統軍鎮國徒單榮  
祿大夫六駙馬都尉國子司業劉奉直同知孫中順治中  
武奉直具疏請師開堂後以泰和八年九月二十七日作  
偈辭衆案金史世戚傳贊金之徒單孛懶唐括蒲察裴滿  
紇石烈僕散皆貴族也天子娶后必于是公主下嫁必于  
是此銘稱駙馬都尉蒲察徒單六駙馬都尉是以貴族尚  
公主而世戚不附其名劉奉直者劉昂也中州集昂爲富  
塗者所忌連蹇十年卜居洛陽有終焉之志有薦其才於  
道陵者泰和初自國子司業擢左司郎中此疏稱國子司  
業合又崇公崇字凡四見崇下示俱作未按係卽康傳上

問卽康參知政事賈鉉曰睿宗廟諱改作崇字其下却有  
木字全體若將示字依蘭亭帖寫作未字

云

卽康奏乃

擬睿宗廟諱上字從未下字從世今碑崇下示正作未是  
也興字缺、今碑稱大安爲衛紹王之建元衛紹王諱允  
濟小字興勝其缺、亦當爲此而史不及悉載矣

洞真觀勅牒并記

行書大安三年  
十月在萊蕪

右碑上鐫尙書禮部牒另行小字載登州棲霞縣王玖同  
邱處機狀告泰安州萊蕪縣山口店長豐村舊有道院并  
白鶴村屋宇地土等一所未有名額今賣到乙字第十一  
號觀額乞書填作洞真觀者案輟耕錄邱處機金皇統戊  
辰生戊辰爲熙宗之八年至泰和八年處機已六十一歲

于時附名爲請觀額蓋已主道教矣寺觀名額大定五年以邊鄙已定遂罷鬻賣至承安二年賣度牒師號寺觀額此牒稱賣到乙字號者以承安制爲之也中行小字嘉定元年泰和捌年閏四月旁書金主璟無印文惟空方正書一印字他勅牒未有此式後題員外郎不書氏官闕員也朝請大夫郎中兼國子監丞王口口大夫禮部侍郎兼秘書少監喬未行當是尙書結銜殘斷其可見者有國史字張字案金史完顏匡傳泰和八年五月丁未遣禮部尙書張行簡奏告天地今尙書銜末署張字卽其人行簡傳泰和六年召爲禮部尙書兼侍講同修國史秘書監此題銜有國史字與傳相符然攷宋嘉定改元方面韓侂冑蘇師

且首入金求和則勢亦孱弱不支而金鬻額以宋年號冠其本國之上又直斥金主名及下立石在大安二年亦同書金主永濟名未詳何以敢指斥如是最末題昭勇大將軍行萊蕪縣令兼提舉常平倉事烏古論桌忝食貨志所謂常平倉以縣官兼董其事者卽兼提舉之謂也

請琮公開堂演法疏

正書在魯山縣城荷福寺

石刻前題皇弟韓王府後題皇弟開府儀同三司太子太師韓王案金史世宗諸子傳元妃李氏生鄭王允蹈衛紹王允濟潞王允德允德傳云大定二十五年與章宗及諸兄俱加開府儀同三司衛紹王時累遷太子太師此疏結銜皇弟開府儀同三司太子太師正值大安三年與傳稱

衛紹王時累遷官合是所題卽允德也傳稱允德封薛王  
進封瀋王嗣王潞王不言進封韓王案衛紹王紀大安元  
年旣進封兄永功爲譙王則允德以懿親之重亦當並封  
是韓爲所進府號當時缺錄也史贊云衛紹王身弑國蹙  
記注亡失南遷後不復記載故宜有此宜取以補史遺衛  
紹王明昌二年進封韓王今允德亦得此號紹王與之同  
母遂以自所封號示寵異與

十方靈巖寺碑陰題名

右碑陰得題名一行書文云冠氏帥趙侯齊河帥劉侯率  
將佐來游好問與焉丙申三月廿五日題按此遺山手跡  
也丙申爲蒙古太宗之七年于時金亡三年矣遺山集冠

氏趙侯先塋碑稱冠氏師趙侯名天錫其字受之今爲東平左副元帥兼分治大名府路同知兵馬都總管事宜授行軍千戶者卽此題趙侯也遺山答冠氏又與趙侯銘其先人宜其陪此勝遊爾又有留題靈巖詩後書丙辰冬至日蓬山劉應淵識此丙辰詎前丙申二十年亦爲蒙古憲宗時也



授堂金石文字續跋卷十二終

受業大興張端校

授堂金石文字續跋卷十三

偃師武億盧谷著

男穆淳編

孫素重校刊

元中京副留守陳規墓表

段成已撰兼古意  
宗八年在稷山縣

表載陳規擢明目五年進士第歷華州下邳平陽臨汾三

縣簿試書判入等知臨洮渭源口改潞州觀察判官遷和

口令知恩州歷亭縣轉京兆府路按察從事丁父憂去職

召入爲開封府判官拜監察御史出同知壽酒二州實經

歷徐州行院移授宿州節度副使經歷元帥府事入知登

聞鼓院改刑部郎中拜右補闕升右司諫出爲中京副留

守兼倅河南府事未到官卒凡歷十六官階累至中議大

夫勲上輕車都尉爵潁川郡開國伯食邑七百戶案之金

史本傳所書惟監察御史徐州帥府經歷官右司諫權吏部郎中改充補闕從出爲中京副留守其他歷官皆從略傳言規貞祐四年三月上言臣巡按至徐州此正碑稱經歷徐州行院時也傳繫此文于爲監察御史之後而傳書出爲徐州帥府經歷次于七月所上八事之末前後失次深違其實又碑云改刑部郎中守法不阿而傳作吏部表言規排斥權倖章奏無虛日雖得君如高丞相某侯平章某師右丞某事不厭衆望皆極言其失以史案之高汝礪拜尙書右丞相師安石進尙書右丞侯摯爲平章政事此三人獨摯爲規所彈見于傳餘亦不及之表言規子男一人曰至燕而亡二孫元允皆卓卓有文名傳載子良臣中

州集同元允二孫名史畧之矣規之卒表言歲己丑是爲  
哀宗正大六年又二十有九年成已始表其墓蓋已當蒙  
古咸宗八年矣規旣以直不容而遭時多艱未竟其用喜  
得此文表之故述其跡以補金史

太清宮聖旨碑

正書中統二年  
四月在鹿邑

元聖旨碑首序據張真人奏告亳州太清宮住持道人每  
元受令旨使臣軍馬宮觀內不得安下所有栽種樹木諸  
人不得採斫專與皇家告天祝壽令將元受令旨已行納  
訖乞換授事准奏仰亳州太清宮道人每照依舊例云  
仍仰張拔都兒常切護持太清宮令住持道衆更爲精嚴  
看誦與皇家子子孫孫告天祝壽者後題中統二年四月

二十七日鈐璽處無墮文惟旁注御寶二字較耕錄漢人賜名拔都者惟文忠武王與太師張獻武宏範及真定新軍張萬戶興祖耳攷興祖以至元十九年從阿里海牙南取漢郢有功後以國言賜名拔都則此旨張拔都兒當中統二年決非興祖又考元史張宏範傳至元十二年改亳州萬戶賜名拔都今旨內仰常切護持非守土者不當有是委任故指爲宏範於事爲近然此旨實前于至元已稱張拔都則改亳州萬戶及賜名拔都不于至元十二年矣或云宏範父柔當憲宗卽位常移鎮亳州拔都宜爲柔所賜名按中統元年詔柔入衛京師二年已請致仕于時必無以護持宮觀委之也世祖紀中統三年九月戊午亳州

萬戶張宏署破宋兵於斯縣蓋宏襲職必蒙賜以此號  
史失錄也又列傳載張援都爲昌平人流矢中頰不少却  
帝閱而壯之賜名拔都而歸老最早不及中統時然則漢  
人賜名拔都者又其一矣張真人不稔其名案道園學古  
錄國朝之制凡爲元教師者得在禁近號曰真人給以印  
章得行文書如官府卽此記所稱是也

修釋迦院記

草書中統二年十月在河內縣西莊

碑列比丘守顯記並書張天祐篆額而守顯又自署住持  
彰德府天寧禪寺退院嗣祖蓋以方外猶牽情退院世念  
未忘至列於石刻是可嗤也碑首行題大朝國懷州河內  
縣南岳村尼首座崇明悟釋迦之院今此地清化鎮之

西北無人知是村名南岳矣予向與康君少山睹是碑下  
截陷淤土中歸遣人剝拓數紙爲錄於此以見吾儕所  
好與世異趣也

廉訪使楊奐神道碑

正書中統五年  
四月在乾州

碑首列河東元好問撰柳城姚燧書并篆額燧奐之第三  
女婿也稱柳城著其祖貫也文載奐始末頗悉元史取以  
爲傳今碑所云唐鄒國公二十世孫唐書宰相世系表鄒  
國公侑卽其人侑父昭元德太子世宗孝成皇帝碑序世  
系不及之者諸侯不得祖天子也元史本傳奐行迹歷官  
史亦有未盡錄者以碑証之初因州倅宗室口命爲口倉  
典書又辭不就臺榭其後乾州請爲講議安撫司辟經歷

官京兆行尙書省以便宜署隴州口口皆不赴唯一應叅  
乾恒二州軍事與之自守如此亦名爲無所苟矣碑間有  
訛字年三十三年作不改弦更張更作吏爲萬言策爲作

萬

修建長春觀記

正書中統五年五月在孟縣吉里村

記前書孟州口口河陽縣教授尙企賢撰篆額武昌後  
進楊仁書丹濟源縣苗天澤正文按正文蓋書石後校其  
訛脫亦郭香察書之例也記言宗師東遊寧海得邱劉覃  
馬之英材唯劉真人住持萊州神山武觀有周老者願立  
下風真人慮其飾外喪真當以愍自處因目之曰愍周朝  
廷特賜以清虛真人之號後見解公機緣宿契禮接甚厚



解公長春深器重之賜以洞真子之號以志通爲之諱元  
史釋老傳邱處機爲全真學于寧海之崑崙山與馬鈺譚  
處端劉處元王處一郝大通孫不二同師王嘉錢少詹事  
云史以處端作譚當依此碑作覃爲正案詩實覃實紆釋  
文云覃一作譚是覃譚爲一字也長春應詔與弟子偕往  
者十有八人而劉處元之徒予所見惟此碑愍周及志通  
耳然志通亦師長春則道之北宗邱惟獨熾已碑後列宣  
授孟州長官范真宣差孟州達魯花赤阿里河陽縣令師  
福亨河陽縣簿尉羅信諸名百官志諸蠻夷有長官司今  
設于孟州當時以河南甫定孟猶邊鄙故宣授長官耳上  
州名州尹中下州名知州縣皆稱尹至元二十年制如是

此云長官及令者中統時沿此名史未備錄也簿尉台兩官爲一名當卽以尉兼簿之制范真阿里並見重立孟州三城記云壬辰天兵南渡有京西總帥范官率所部歸附大朝更賜金符治所屬之民兼領于孟後又稱中統二年欽奉聖旨宜授孟州長官又云公諱真字彥誠登封人亦附曷思麥里傳金總帥范真率其麾下軍民萬餘人來降者是也

重立孟州三城記

正書中統五年八月在孟縣

記爲孟州學正尙企賢撰書者名氏已殘剝記云舊州瀕河地勢卑濕水泉瀉鹵民居墊隘大定戊申防禦使么公移築于此至興定庚辰猊貅一拉掃地無餘及壬辰天兵

南渡有京帥總師范公率諸部衆齋所帶虎符口次下金  
銀碑印口口本朝以爲口禮天恩優渥更賜金符治所屬  
之民兼領于孟丁已欽受恩命復立新孟乃召耆老舊人  
圖畫街衢標注坊巷蓋州之移建略具此矣金史完顏仲  
德傳西山帥臣范真姬汝作等各以馬進姬汝作傳哀宗  
詔峴山帥延寶登封帥范真併力討梟曷思麥里傳遣蒲  
察寒奴乞夫烈札魯招諭金總帥范真率其麾下軍民萬  
餘人來降卽此碑范總帥也元史地理志孟州金大定中  
爲河水所害北去故城十五里築今城徙治焉故城謂之  
下孟州新城謂之上孟州元初治下孟州憲宗八年復立  
上孟州案碑言大定戊申爲金世宗建元之二十八年明

年已酉禪位于太子惇則不得稱大定中矣其州之徙治亦由瀕河卑濕不言被河患然則志所攷未審其責也碑言天開中統欽奉聖旨宜授孟州長官又以真爲之而民遠近相賀真雖降將固一方所毗也孟州達魯花赤阿則稱宣差百官志亦唯見宣授之文此作宣差或元初制如此

分司撥務重立孟州碑

右碑文刻在修孟州三城記之陰序范真興復州城及僚屬佐吏諸名氏不書年月蓋以碑陽已有中統五年此當與同時記也分司撥務不審官職所屬疑亦行中書省之異名又孟州有長官有達魯花赤有通事有權州有都目

吏目孔曰有總補盜官有酒稅官有學錄有祇應官有懷  
孟路起到管立城民戶總把有頭目有僧正道正道判有  
庫官有孟州渡提領百把渡官有黃河巡檢元史百官志  
自至元三年所定州縣官數記之而前制皆從畧于是見  
元代立國之初遺典罕有知者矣碑載孟州屬縣四皆有  
提領縣令縣丞簿尉一員典史二員與志稱中統五年併  
立州縣未有等差者合而縣各設提領志亦不載亦以併  
省故也

追封魯郡公許公神道碑

正書歐陽元撰趙孟頫書至元四年八月

碑載許熙載字獻臣初以行省檄辟德慶路提控按牘由  
是以本職歷永衡兩路湘潭一州凡三考成資調長沙稅

使遷臨江撫州兩路總管府照磨進將仕郎湖廣行中書  
省理問所知事改從仕郎會福院照磨兼管勾承發架閣  
庫照載有壬父也附元史有壬傳後然書其官階甚略又  
傳云熙載仕長沙日設義學訓諸生既沒而諸生思之爲  
立東岡書院朝廷錫額設官以爲育才之地以碑考之有  
壬喪母宋夫人旅殯原上苦由廬墓者三年後長沙人卽  
公廬墓之地作書院以表其孝請于中書得永額然則書  
院賜額爲有壬孝思所致與史所書不符豈由當時木八  
刺沙搆怨言以書院不當立而爲文者故有微詞與傳載  
有壬二弟有儀有孚碑書有儀經筵檢討武昌水陸事產  
副提舉有孚國學上舍生登至順元年進士第授承事郎

湖廣等處儒學副提舉改湖廣行省檢校官皆足補史傳書官之畧

重建普門塔銘

正書至元十六年八月在邢臺縣

普門塔自寺僧崇儼於至元丁丑懇國師璉真上請賜銘遂以崇港所具事迹文之蓋寺舊有塔曰圓照癸酉燼于兵逮辛卯歲萬安恩公迺圖興復經始于重光單闕之仲春斷手於上章困敦之秋越癸卯冬師遂示寂嗣僧崇剛因太保劉秉忠奏請賜名諡曰宏慈溥化大士勅寺額曰大開元寺塔曰普門之塔按璉真卽楊璉真加也當時以璉真之橫旣爲江南釋教總統宜諸僧徒依附以干上恩也碑爲翰林待制奉訓大夫王暉撰正奉大夫中書省參

知政事安西王相尙挺書金紫光祿大夫平章軍國重事  
監修國史耶律鑄篆額三人皆以奉勅爲之元史列傳  
至元十四年除翰林待制拜朝列大夫今碑題作奉訓大  
夫攷奉訓階從五品朝列階從四品當由初階奉訓進拜  
朝列史失紀也挺至元元年入拜參知政事九年封皇子  
忙阿剌爲安西王立王相府以挺爲王相碑所題與傳合  
惟不書正奉大夫階耳傳載阿難答嗣安西王仍命挺行  
王相府事後以二郭與趙炳構隙妃囚炳死挺坐徹徹語  
連挺亦下獄十六年春有旨挺不可全以無罪釋之冬始  
釋挺据是則挺被繫在十六年矣此碑所立挺豈能奉勅  
爲書依諸王表所紀阿難答正元十七年襲封而郭趙之



覺始開又未幾挺下獄而被釋則當在十六年後証之趙炳傳炳爲郭琮黨毒死獄中已在十七年三月以見挺傳十六年之誤也鑄至元四年六月改榮祿大夫平章政事五年復拜光祿大夫中書左丞相十年遷平章軍國重事十三年詔建修國史碑題銜同此其光祿大夫加金紫傳文不備

濟寧路錄事司廳壁記

正書王質記楊仲元書在鉅野

記前載至元丙戌春正月本路創立錄事司達魯花赤薛里吉思于省部闕到錄事司并與璽印二顆與錄事兀都蠻於鉅野縣尉司廨宇內署事二月錄判張福又資捕盜印前來理任三十一年春承路官命移錄事司於舊祇應

庫爲司元貞二年薛里吉思復任遂因庫司增新營築凡  
正屬司房成興有成大德元年仲夏也案元史地里志濟  
州至元二年以戶不及千數併隸任城六年遷州於鉅野  
八年升州爲濟寧府治任城復還府治鉅野十五年遷府  
于濟州以鉅野行濟州事其年復于鉅野立府今記題名  
諸衙皆稱濟寧府與志文合壁記之作在大德元年五月  
而題名自至元二十二年訖延祐四年所序到任下任代  
謝病闕其事特詳前後歷官二十三人至元元貞間皆書  
名大德以後書字書籍頁序刻者踵事益之也官有錄事  
有判官百官志錄事司中統二年詔驗民戶定爲員數二  
千戶以上設錄事司候判官各一員二千戶以下省判官

不從至元二十年僱達魯花赤一員省司候以判官兼捕盜之事此訖至元二十三年薛里吉思任書達魯花赤衙蓋由二十年置此員也兼管本司諸軍與魯歷任皆有之志闕而不書所未詳也判官兼捕盜記文稱錄判張福賚捕盜印者卽其事

無住禪師碑

正書至元二十三年三月今在涿州

碑前列翰林院編修王頤撰大都海雲禪寺前住持傳法

嗣祖沙門西雲子安書丹翰林國史集賢院領會通館道

敘事正奉大夫安藏篆額無住馬氏諱智廣世居懷慶河

內初禮本縣閻公宗主爲師後歷叅萬松老人清隱湛公

西菴仲休皆有密契遂爲奉聖州前經畧使王國寶敬請

住持州西雲濟寺又開法法雲等更主東禪西禪二院最  
後居北塔雲居今碑所識可按如是萬松老人信行秀嘗  
號萬松野老也

重修三官廟記

正青至元二十四年三  
月在孟縣摘星廟內

記爲懷孟路學政李孝純撰懷孟路剋擇陰陽官管勾王  
德政書并篆額其文云三官之號他書不載獨道經稱之  
其詳不可得聞蓋取無極之道一以生二二生三三生萬  
自是而計無不在其中矣而又上世貴質制有鳥官人官  
故以三爲元數官爲定名從省文也按孝純所撰皆撝取  
道家之緒言近趙耘菘陔餘叢攷所据古書記稱三官之  
事特詳然於此亦未嘗及也故子爲存其概孝純見哀恒

山公詩題爲將仕郎臨漳縣主簿者疑卽其人

濟州重修大成殿記

八分書至元三十年二月在濟寧州

碑上半雨溜殘蝕斷痕交錯惟下半尙全其云州爲鉅野地居下流河數爲患金天德三年徙治任城又云至元甲申口州眞侯德方自沐來監是郡又云具書幣聘東平文儒楊演蓋紀州治廢徙以逮新廟所起其略如是元史地理志載金遷州治任城以河水湮沒與碑同金史地理志稱濟州舊治鉅野天德二年徙治任城縣則訛三年爲二是其失也甲申爲至元二十一年殿之告成實二十八年辛卯最後列銜前翰林侍讀學士知制誥爲撰文者名已缺又列直學士口直郎楊文乃篆額文下殘字當是郁字

至元二十二年焚毀諸路偽道藏經碑列翰林院臣唐方

楊文郁卽其人也

歸田類藁濟南劉氏先塋碑銘云常謁故翰林學士損齋楊先生文郁銘其父

從仕郎前秘書監丞楊桓書丹桓元史有傳云中統四年

補濟州教授召爲太史院校書郎遷秘書監丞博覽羣籍

尤精篆籀之學此碑書字道整可見其餘也又下銜名俱

不全惟承務郎濟寧路同知濟州事兼管本州諸軍奧魯

劉庭玉名存

創建福勝院記

正書至元三十年九月

碑完好首題大元國濟南府鄒平縣齊東鄉文山法淳撰

陽邱書丹文云玉和尚者陽邱臨清人也姓邵氏自二十

出家後至承安三年經義中選賜紫衣號曰通惠大師及

歲次丙戌間外護功德主宣授管領濟南等路軍馬萬戶  
孟德發心敦請創建甲第號曰福勝院碑所記興建丙戌  
歲者至元二十三年也予壬子十二月歸自京師由商河  
迂道得此碑于村鎮呵凍爲錄其概按子氏齊乘齊東縣  
舊趙巖口金爲齊東鎮劉豫置夾河巡檢司金亂天兵南  
下城之壬子年因置齊東縣屬河間路癸丑年割屬濟南  
至元二年還屬河間此題鄒平縣齊東鄉當以縣已改隸  
而鄉猶仍其舊名與碑陰載僧徒宗派亦無剝泐

授堂金石文字續跋卷十三終

受業汝州王孝方校

授堂金石文字續跋卷十四

偃師武億虛谷著

男穆淳編

孫耒重校刊

元孟子墓碑

正書元貞二年二月

碑自東陽司侯尹鄒屬導江張頴謨文屬解印未入石文  
山向茂繼成其事頴見元史儒學傳云其先蜀之導江人  
蜀亡僑寓江左孔思晦傳亦云授業于導江張頴今碑自  
題導江舉祖賢也在維揚來學者尤衆遠近翕然尊爲碩  
師不敢字呼而稱曰導江先生大臣薦諸朝特命爲孔顏  
孟三氏教授鄒魯之人服誦遺訓久而不忘以碑後邑人  
邵景劉之美所記亦稱導江先生其爲時重望洵不虛也  
文載宋景祐四年歲在丁丑孔公道輔守兗州訪孟子墓



得于鄒縣東北三十里四基山之陽宋史本傳止云徙兗州未識其年月証之此碑及道輔祭祖廟文自景祐二年至四年並在兗州矣文又載孟子出處以孟子當周顯王三十三年乙酉至魏慎靚王二年壬寅去魏適齊赧王二年戊申去齊居魏十八年居齊六年按此依通鑑爲據通鑑從竹書紀年以襄王十六年繫于惠成王則計惠王在位凡五十二年故云居魏十八年然孟子久滯梁國寂無所施而遲回至此道固可以虛拘耶竊以義有所未安也導江此記頗能自肆其說故吳澄序其書以爲議論正援据博觀此亦足例其餘矣

饒陽縣新遷廟學記

正書元貞二年  
三月在饒陽縣

記爲奉訓大夫國子司業太原王構諡朝列大夫前都水  
監饒川高源書奉訓大夫太常博士玉田楊遇篆額構源  
元史並有傳構成宗立由侍讀爲學士此記元貞二年題  
銜爲國子司業當以侍讀序轉至此史失書也傳言東平  
人而構自稱太原舉郡望也源僉江南浙西道按察司僉  
除河間路都轉運副使至元二十四年爲江東道勸農營  
田使二十八年遷都水監碑載前都水監與傳符惟記稱  
浙西道察司僉事不言江南及按字書石者不能無誤于  
此矣源實晉州饒陽人故題饒川而記內亦稱邑人較史  
文但舉晉州者爲詳也廟學之遷初由益吾李璧宰斯邑  
首謀經畫璧見元史帝師八思巴傳至大元年上都守開

元寺西僧強市民耕民訴諸留守李璧當卽其人

扁鵲廟記

正書元貞二年六月在南宮縣

記載扁鵲之祠直龍岡西北號曰神應王藥局司令高濟  
陋其舊構欲口之不克而歿至元壬辰其孫天明爲成厥  
志今記後列南宮縣濟民藥局司丞者是其人也神應王  
宋政和四年碑記已有是號故元代因之其稱濟民局則  
當時縣設是員倣于大都惠民局上都惠民司踵事增置  
也記將仕郎國子學博士康繼禮撰宣授真定彰德官醫  
提舉劉潛德書元史百官志大都保定彰德東平四路各  
設提舉一員而不言真定今碑言真定疑史有誤脫也宣  
授者文散官由一品至五品爲宣授皆以制命之官醫提

舉司秩從五品故題云然

重刻哀恒山公詩

正書大德四年閏  
在鳳台縣天井關

哀恒山公詩刻完好爲將仕佐郎臨漳縣主簿李孝純所

題後有小記云公姓武諱仙金末名將河北九公恒山其

一也恒山失利拔身南歸扈從路經此關爲守者所識避

兵捕之公欲潰圍去而拔劍不出重傷被獲是夜大星隕

天鼓鳴乃終蓋孝純之子職官澤州儒學正以父嘗作是

詩在宣聖廟柱石已殘缺故跋而重刻諸石武仙金史有

傳甲午蔡州破糧且盡將士大怨皆散去仙無所歸乃從

十八人北渡河又亡五人五月趨澤州爲澤之戍兵所殺

証之此記似以仙南歸扈從時被害于此與史不相符然

授命之日能致星隕鼓鳴之異亦一逸事可紀也河北九公者王福滄海公移刺衆家奴河間公張甫高陽公靖安民易水公郭文振晉陽公胡天作平陽公完顏開上黨公燕寧東莒公與恒山爲九見苗道潤傳孝純字敦夫詩附錄于此金鼎冥冥座已遷將軍忠勇力扶顛井闕未度星先落神策潛揮劍不前一把骨隨秋草朽千年名有此山傳作詩贈彘行人道留爲他時太史箋採逸詩者斤未錄也

漁庄記

大德十年  
閏正月

記石近山土陳儼撰其文序雲卿自述我汲縣府君買田洄上爲菟裘計願未之遂齊志以沒從益無似繫官於朝

乃弗克搆今茲幸若馳擔歸守桑梓始獲作我攸宇迨今三十餘年始克卒成先志從益字雲卿元史不爲立傳仁宗紀至大四年召世祖朝諳知政務素有聲望老臣給傳詣闕同議庶務內有叅政韓從益卽其人也亦見英宗紀至治三年授前樞密院副使吳元珪王約集賢大學士翰林侍講學士韓從益昭文館大學士並商議中書省事然則從益以老成之重爲兩朝所毗倚彼其先固由恬退以植其素故也記又稱從益西曹投簪而後除廣平牧改樞府判俄又拜奉常判並可舉以脩史遺文

有商烈祖聖帝廟碑

正書至大元年十二月在孟縣

碑爲保直大夫河南江北等處官醫提舉杜天智撰武略

將軍前鄧州知州兼署本州諸軍吳魯勸農事師福亨書  
丹資德大夫中書省右丞議樞密院事調諸口屯田勾當  
陳天祥篆額元史列傳天祥字吉甫大德九年五月拜中  
書右丞議樞密院事提調諸衛屯田與碑合碑石諸字下  
殘剝以傳証之當作衛字也元史百官志樞密院至元二  
十八年又以中書平章商量院事攷碑言議樞密院事卽  
志所謂商量院事而此以右丞兼是職豈平章與右丞同  
爲宰相固可以品相近者並爲之與抑初以平章而後廣  
及於右丞也與

鎮國上將軍竇玉神道碑銘

正書至大二年  
二月在孟縣

碑爲翰林學士承旨正奉大夫知制誥兼修國史閣復撰

榮祿大夫平章政事議樞密院事史弼書二人元史並有傳復拜翰林學士承旨階正奉大夫與碑相符其兼官則從畧不書弼元貞三年陞平章政事加銀青榮祿大夫今碑作榮祿大夫與傳小異又議樞密院事傳亦闕載弼王者孟州河陽人史不爲傳附名于伯顏傳內戰守最著竒績與碑詳畧互見然歷官所書太畧予據是碑爲補著之玉初署盟津渡長從世祖渡江以勞補百夫長中統初定鼎于燕召充河道官至元十二年拜管軍千戶佩金符遷宣武將軍管軍總管明威將軍鎮守長橋等處總管尋降虎符職任仍舊任昭勇大將軍管軍萬戶未幾就帶已降虎符鎮國上將軍浙西道吳江長橋都元帥沿海上海戶



佩金虎符大德六年終于家子居仁居証居贊元貞萬奴

袁州路修建記

八分書至大二年季夏

記文首列從仕郎江西等處行中書省檢校官杜與可撰并書朝列大夫江西湖廣道肅政廉訪副使蔣元祚題額今案其文云袁名因山山曩居漢袁隱君名繇主領邑四較萃鄉戶尤繁元貞制州之概傳版氓或十萬是郡于江西爲上又云至大初元侯長忽都魯脫因總管朶兒直偕僚屬增廣舊制益賓幕貳十六楹開敞燼庫四十六楹時同知舍刺甫沙治中暗都刺哈蠻刺官馬合麻沙推官孟誠經歷李貞知事成翼照磨按唐高國良董役分宜縣主簿慕嗣宗府掾袁賢張顯忠諸人後題袁州路總管府達

每花赤兼管內勸農事忽都魯脫因少中大夫袁州路總管兼管內勸農事兼管造茶勾當朵兒直立碑倅置遠方著錄者罕能覓也

加封大成至聖文宣王碑陰題名 正書

碑陰列諸職銜各題與碑陽書至大四年以一時上石也其前載鹽運官屬有中大夫前山東東路都轉運鹽使不兀歹朝請大夫前山東東路都轉運鹽使王景福嘉議大夫山東東路都轉運鹽使亦逢中大夫山東東路都轉運鹽使劉亨凡四人元史百官志每路都轉運鹽使二員此題稱前者上石時已謝事猶與見任附書也不兀歹王景福亦逢劉亨蒙古漢人兼用之其山東改立都轉運司當至

元十二年碑悉與志合後又載同知副使判官經歷知事  
各一員他路運判二員此唯一員者山東東路所置也又  
載提控案牘兼照磨承發架閣志唯稱照磨一員亦與碑  
異後又載總管府官屬懷遠太將軍濟南路總管府達魯  
花赤兼管本路諸軍與魯總管府達魯花赤管內勸農事  
卜蘭偕董搏霄傳至正十七年毛貴陷益都般陽等路有  
旨命搏霄從知樞密院事卜蘭奚討之卽其人傳後又作  
卜蘭蹊偕奚蹊皆譯字無正文也又載副達魯花赤同知  
治中判官各一員推官二員經歷知事提控案牘照磨兼  
承發架閣各一員副達魯花赤卽志所云同知異名而官  
一也照磨兼承發架閣而未言提控案牘志亦與碑異

加封大成至聖文宣王碑

正書至大四年八月在濟南府學

碑上層鑄加封孔子文宣王詔下層鑄此文爲郡人中奉大夫前河南江北等處行中書省叅知政事劉敏中撰并書題額元史列傳敏中字端甫濟南章邱人武宗卽位拜河南行省叅知政事案百官志至元二十八年以河南江北係要衝之地又新入板圖宜於汴梁立省以控治之蓋河南江北設行中書省自此始矣敏中旣蒞此官而傳唯稱河南行省脫江北字皆不如碑之自紀爲審碑所序加封至聖事予舉其要者云大德十有一年七月制加孔子號大成至聖文宣王播告天下至大改元之三年臺省檄令在所立石紀其事于學按祭祀志書加號在至大元年

武宗紀書稱大德十有一年成宗紀亦書大德十一年七月辛巳加封至聖文宣王爲大成至聖文攷紀文明言可改大德十二年爲至大元年

則逾年改元紀文與碑合而志書大德十一年卽爲至大元年載錄不檢也又碑內述唐元宗開元廿七年追謚孔子文宣王宋真宗大中祥符元年加元聖五年改至聖証之宋史禮志以國諱改元聖文宣王爲至聖在二年今碑作五年或上石者之誤其謀爲文作記者資善大夫遙授中書右丞廉訪使阿都兀赤朝列大夫副使韓申奉議大夫僉事劄兀兒奉議大夫僉事董璧徵事郎知事馮德凡五人

重修顯聖廟碑記

正書皇慶元年十月在閩郡

碑前列郭令公二十代孫承務郎歸德府亳州同知郭秉  
仁撰提調陝州三縣醫學事壽黎老人郭淵篆書元史地  
理志亳州爲下州同知當正七品而階承務郎則從六品  
也提調陝州三縣醫學志言陝州領四縣至元三年省靈  
寶入陝縣故此題云三縣與史合然官醫有提舉司惟於  
河南江浙江西湖廣陝西五省至州置提調竟失錄也文  
記顯聖自唐宋來並加修葺而封號由唐僖宗乾符三年  
封應聖侯昭宗光化二年封普濟王宋太宗興國三年封  
顯聖王神宗元豐間加昭佑二字大元成宗欽明廣孝皇  
帝加封護國靈濟昭佑顯聖王乎澤帝然則原廟遞加崇  
謚所由已久史文或多遺之故備錄焉

投龍簡記

正書周應極撰趙孟頫書  
延祐元年八月在濟源

記文作于至大辛亥六月而首序孟夏壬寅朔命特進上卿元教大宗師志道宏教沖元仁靖大真人張留孫等建周天大醮于南城長春宮案世祖紀中統十四年命嗣漢天師張宗演修周天醮于長春宮仁宗紀延祐二年九月丁未道士李若訥河南嵩山道士趙亦然各率其徒赴闕修普天大醮此碑記張留孫所醮史不見錄何也釋老傳留孫當仁宗卽位加號輔成贊化保運元教大宗師今碑稱志道宏教沖元仁靖大真人此必自武宗時已賜此號而傳惟載其武宗立陞大真人史文疎于錄記如此又復命集賢司直奉訓大夫周應極洞元明德法師崇真萬壽

宮提舉陳日新乘傳封香奉玉符簡黃金龍各二詣濟瀆  
清源善濟王廟天壇王母洞投沉致敬清源善濟王廟號  
至元二十八年春二月加封見祭祀志萬壽宮提舉以日  
新任之特爲一道流寄食耳與宋時爲致仕優老養賢者  
其制異矣

贈中憲大夫張成墓碑

正書建祐二年  
三月在成武

碑爲元明善撰趙孟頫書王毅篆額明善列銜翰林侍講  
學士中奉大夫知制誥同修國史証之元史本傳惟書其  
爲侍講學士餘皆不及之毅列銜資善大夫御史中丞仁  
宗紀延祐二年御史中丞王毅乞歸養親不許者是也碑  
序張成世爲濟寧虞城人父平仕金爲大河埽軍長金滅



三遷至成武按成自父祖以上居虞城則虞城不屬濟寧  
地理志虞城金沒于水元憲宗二年始復置縣隸東平路  
至元二年以戶口稀少併入單父三年復立縣屬濟州八  
年隸濟寧路復初臨文未嘗致審以後來割隸之籍當之  
失其實矣平有二子長林居虞城次成居成武與配合葬  
成武之小房里子四人長孜由江浙行省都事入爲戶部  
主事中書省左司都事口員外郎叅議樞密院事戶部侍  
郎出使兩淮都轉運鹽使成所贈官由此也

任城二賢祠堂碑

行書 延祐三年六月在濟寧州

碑文前列應奉翰林文字同知制誥國史院編修官朝散  
大夫前尚書省右司員外郎曹元用撰朝列大夫司農司

丞張楷書丹東平尙德勉篆額元史列傳元用因薦爲翰林國史院編修官除應奉翰林文字與此記同惟不書同知制誥其序季真爲任城宰太白作廳壁記述其善政今任城有二賢堂及太白酒樓按沈光酒樓記咸通辛巳歲所作惟二賢堂不知構于何時在縣治東北者故中書右丞龔公爲州時所築後易縣治爲驛舍濟州判官趙義甫於南城之巔更築堂以口二賢吏目靖明叔吳君璋皆詳雅古士相與協謀以底於成蓋文所記建祠事跡如是攷新舊唐書知章本傳載其歷官俱無宰任城事太白所記惟云帝擇明德以賀公宰之文旣未著其名字而稱許至于温恭克修儼碩有立撥煩彌閒剖劇無滯則益不類季

真之爲人傳言有詔禮部選挽郎知章取捨非允爲門廡子弟喧訴盈庭知章於是以梯登墻首出決事然則任城之宰其非賀公甚明而流俗牽附相襲踵謬故予于此不得不附辨之

重修慈雲禪寺碑

正書延祐四年正月在濟寧州

碑首列銜亞聖究國公五十五代孫莫州學正顏之義撰

續魯故于充公五十五代僅載木一人

里人李玉書并篆額按顏子稱亞聖

吳志諸葛恪傳與丞相陸遜書云自孔氏門徒大數三千

其見異七十二人至於子張子路子貢等七十之徒亞聖

之德然猶各有所短然則亞聖蓋以通名諸賢故顏子亦

稱亞聖唐會要開元八年三月十八日元璵奏

云

示上以

顏子亞聖親爲製贄唐充公之頌俾夫亞聖同之前美舊  
五代史周太祖紀帝謂近臣曰仲尼亞聖之後今有何人  
對曰有鄉貢三禮顏涉是顏淵之後玉海建隆二年十一  
月己巳上幸學御製先聖文宣王及亞聖兗國公贄至後  
稱爲復聖見於元史文宗紀至順元年二月戊申加封顏  
子充國復聖公會子廩國宗聖公子思沂國述聖公孟子  
郊國亞聖公祭祀志同四配之號乃有定名今此碑當延祐四  
年故尙仍舊稱也文云濟州任城今隸濟寧號爲名邑地  
理志濟州至元二十三年復置任城隸州今碑云隸濟寧  
蓋州前于八年升爲濟寧府也又云慈雲禪寺勅于唐代  
歲遠無所稽考迨晉朝時有小張翟村銀青光祿大夫檢

校國子祭酒兼御史上柱國翟暉重修綵繪逮我聖朝粵  
有彭村維那首李成泰用伊誠及小張翟村維那首打捕  
鷹房提領翟興力爲補葺是寺之廢修始末可考如此惟  
打捕鷹房提領百官志不見此文或亦提控之員與選舉  
志行省諸司劄付充提領案牘作提控按牘受院劄以是  
推之此碑稱提領由外劄付故也

貞潔堂銘

正書延祐  
四年孟春

碑爲儒林郎國子司業同恕撰前集賢學士通議大夫國  
子祭酒依前太子右諭德蕭蚪書二子並見元史儒學傳  
同恕當仁宗踐祚卽其家拜國子司業階儒林郎此題與  
史合蕭蚪傳載其除集賢學士國子祭酒依前右諭德而

階爲通議大夫則從畧焉其銘貞潔之由首云奉元韓氏  
母王節君朝廷旣已旌別又遭儀天興聖慈仁昭懿壽元  
全德泰寧福慶皇太后特降懿旨寵嘉而覆護之按后妃  
傳順宗昭獻元聖皇后延祐二年三月加上皇太后尊號  
卽此支所記也節君子世榮世隆乃口重閭嚴位寶書請  
鄉先生通議大夫勤齋蕭公銘而記之蕭公卽蕭軒著有  
勤齋文集記故以此號之然節君之名如此其顯而不得  
見諸史蓋亦不能盡書故也銘婦人稱節君亦金石例所  
希

重摹祭殷大師文碑陰記

延祐五年四月在汲縣

碑陰爲韓沖所記其述唐追贈殷大師以封詔祭文刻石

後罹震裂至元口年陳侯祐來尹是土命工復爲刊模一  
如舊制大德癸卯坤靈失寧再致顛隳延祐戊午今衛輝  
監尹二公相與協謀遂卽遺制臨墓上石樹之廟廷元史  
列傳陳祐字天祐至元三年授嘉議大夫衛輝路總管衛  
當四方之衝號爲難治祐申明法令創立孔子廟修比干  
墓且請于朝著于祀典然則記稱陳侯者卽其人大德  
癸卯坤靈失寧癸卯爲大德七年本紀與五行志並書是  
年八月地震太原平陽尤甚而衛輝之震据是記所云殆  
失載也此碑在元兩模中州金石記云寶刻叢編有此碑  
顧炎武以爲重刻者不知何据予以顧氏正据此碑陰爲  
文也

呂梁鎮慶真觀碑記

行書延祐六年

記前列將仕郎太常博士吳善撰翰林學士承旨口祿大夫知制誥趙孟頫書并篆額文云世祖皇帝建昭應宮祠元武神于京師和義門外以龜蛇嘗見其地又云成宗迺續登崇口號太子文學元公作杭口元武殿碑悉著其事又道書相傳其神三月三日降均之武當山今天子萬壽節以其日同故歲遣祠官致祭今天子謂仁宗也元史仁宗紀以至元二十二年三月丙子生是其事碑又云予嘗考于奉常禮秩其神曰黑天帝得並祀南郊位北故水之神曰元武水生于一故爲道者宗祭祀志從祀園壇第一等九位黑帝位亥與此記符後載慶真觀成于至大三年



寔由道士賈德真及其師金道明踵跡爲之然稱道明壽  
七十九于揚州仙去德真收其冠劍瘞之彭城者卽死魄  
耳文人緣飾之而世遂信爲委蛻以去亦何愚哉碑舊沒  
入土明萬歷元祀越黃猷吉出之未幾復就湮陳邦彥又  
募役夫出之二人署銜皆工部主事日下舊聞載帝京景  
物畧昭應宮在雙林寺西元至元中建龜蛇兆焉卽此碑  
所云龜蛇嘗見其地者也而朱氏失引搏採之難如此

元遺山題超化寺詩

行書在  
密縣

遺山題超化寺詩石刻錢太和拓一紙見寄予以全金詩  
校之首句秋風嫋二入僧窻石本秋作西入作度三句却  
恨大梁三日醉石本大作汴四句下來超化作重陽石本

超化作此處作字作過往寓京師凌仲子屬予在浙川覓  
遺山石刻今得此足以塞責矣後有正書云丙辰秋過游  
超蓋此詩留題于主僧仁公方丈歲遠恐其湮沒今以傳  
次諸石時至治壬戌春二月二日渤海大口記

涇縣尹蘇公政蹟記

行書至治  
二年仲春

記前列翰林學士承旨榮祿大夫知制誥兼修國史趙孟  
頴書國子博士承事郎爲篆額者名已鏤毀亞中大夫寧  
國路總管府達魯花赤兼管內勸農事名用蒙古字當時  
立石人也其文則涇縣儒學教諭梅震記附書碑後蓋以  
官階序也元史百官志亞中大夫舊爲少中延祐改亞中  
題銜與史合志又稱諸路各設儒學教授一員及學正一

員學錄一員其散府上中州亦設教授一員下設學正一員至于縣設教諭史不及之攷博山石馬村古佛院至元二十五年碑刻是益都縣顏神教諭鄭琥書此亦縣之教諭一証也文云公名濟字汝舟山東益都沂人延祐丙午宰是邑自興學勸農諸多惠政中有捐帑買基殿三皇表醫學以總之又云興養濟而院之攷宋置安濟坊養民之貧病者元時乃易爲養濟之號有司失于奉行不實民其窮無告矣蘇君之爲政所謂致誠而行也其不傳于良吏史失錄也記又稱詔條慎擇守令以五事論選與史文載世祖始立各道勸農使又用五事課守令以勸農繫其銜者相符

元應張真人道行碑

正書泰定四年四月在涿州

碑前列翰林學士太中大夫知制誥同修國史吳澄文光祿大夫議中書省事平章王毅書翰林學士承旨榮祿大夫知制誥兼修國史劉廣篆額元史武宗紀至大元年十二月甲戌以平章政事商議中書省事百官志至元二十年罷尙書省增中書平章爲五員而一員爲商議省事今碑所題王毅議中書省事與官制符然志稱成宗元貞元年改商議省事爲平章軍國重事自是不書復置而毅署銜當泰定時仍有議中書省事必其後更爲設員史疎記也毅見泰定帝紀當四年三月召太子賓客王毅復舊職今所題銜蓋舊臣也廣本傳泰定元年加光祿大夫案

草廬撰碑文自稱泰定二年春於時廢方階榮祿大夫榮祿次光祿之下則元年必非加光祿矣史載真大道教並依此碑入傳而事跡特略碑云師張氏乾州奉天人年十六從天寶李師爲道流錫名清志傳不書其籍又倒訛清志爲志清碑云入東海大珠牢山傳脫大字碑書鄺希成傳以成作誠凡是數者悉與碑相違而清志道力所在有神異史慮其跡涉怪妄削之不書是也若母嘗病疽口吮其膿遂得蘇差又患膈氣疾幾不採師禱神進藥不寢食四旬母忽吐涎塊如瓜漸底平復居喪致哀於儒家喪制不悖此蓋爲獨行之尤而不囿於彼教法者傳惟以事親孝該之母亦沒其實與予故爲著之

涿郡歷代名賢碑

正書天歷二年  
六月在涿州

碑前列賜進士出身翰林待制兼國史院編修官廬陵歐陽元撰并書賜進士及第中書右司郎中太子左贊善濟南張起巖篆額元史列傳起巖遷中書右司員外郎進左司郎中兼經筵官拜太子右贊善以碑証之實爲右司郎中及右贊善傳文誤也碑据前史所占籍者約其出處大畧刻疏左方自西漢蒯通迄金梁塘而止然史記淮陰侯傳稱齊人蒯通疑范陽爲齊之近邑與涿郡不相屬又通以辨亂導人背其所主而躋諸名賢之目採摭失其倫矣碑後載通奉大夫河南江北等處行中書省叅知政事護軍追封范陽郡公謚端靖弭禮嘉議大夫工部尙書宋惟

忠中憲大夫中山知府張汝揖奉議大夫大都路涿州達  
魯花赤兼管本州諸軍奧魯勸農事山壽等立石案弭禮  
官至叅知政事史旣無傳特書銜于此而碑記諸賢皆書  
名獨昭烈帝稱字特例書之尊之也碑末金玉府石匠頭  
目中統二年初立金玉局至元三年改總管府故署金玉  
府者以此

真定路加葺宣聖廟碑

八分書至順三年六月

碑前列集賢直學士朝請大夫國子祭酒字木魯翀撰奎  
章閣侍書學士翰林侍講學士通奉大夫知制誥同修國  
史虞集書并題額二君元史列傳載歷官與碑略符翀惟  
失書階朝請大夫集失書翰林侍講學士及知制誥而已

又稱神文章簡與典雅深合古法予觀此記上稱其實非  
謬許也記云初鎮州置真定路以中山真晉趙深懿府一  
州五土地人民奉睿宗景襄仁聖皇帝顯懿莊聖皇后湯  
沐首珍立學養士睿宗傳不載此事而睿宗諡號傳所書  
者憲宗立追諡曰英武皇帝世祖至元二年改諡景襄皇  
帝其仁聖二字或由後崇奉晉加紀錄者不及採也記云  
世祖淵潛朔庭問鎮之學緩未卽敘龍集丁未勅有可以  
金粟岡廟址崇殿廡闢蠻口至元暨今雖屢加葺猶有未  
備至順辛未憲暨府義倡集募役先是府尹馬斯虎已基  
未構而去口口餘年尹張忙兀台倅和元升治中和則平  
纔至始克有濟攷龍集丁未實定宗二年迨至順辛未已



八十五年一廟之興數閱世而成蓋有數存焉

魏王輔嗣墓碣

右題八分書大徑四寸文云偃師伯王輔嗣之墓翰林待制吳炳書元統二年冬十月偃師縣尹時禎立石元史文宗紀至順二年特命河南儒士吳炳爲藝文監典簿仍于對品階卽此書碣人也歸賜傳賜汴梁人力拒不從賊賊敗汙賊者皆獲罪賜獨免同里有吳炳者嘗以翰林待制徵不起賊呼炳司卯酉歷炳不敢辭時人爲之語曰歸賜出角吳炳無光賊爲范孟當後至元五年十一月炳始末可見如是漢淮源桐栢廟碑亦稱翰林待制浚儀吳炳重書子嗣昌填墓上石今此碑作河南浚儀舉古名河南卽

當時省名書之耳未竹垞桐栢廟跋云歐陽氏謂其文字  
斷續而是碑甚完好疑爲後人重摹蓋吳炳嘗重書竹垞  
未見後題也

達本長老勤跡碑

正書 賈昌文撰 乃達而海牙書至  
正二年八月在僱師縣猴氏鎮

碑前題稱帝師法旨加號達本長老爲慧光普應大禪師  
元史釋老傳八思巴卒賜號皇天之下一人之上宣文輔  
治大聖至德普覺眞智佐國如意大寶法王西天佛子大  
元帝師後其徒嗣爲帝師元貞元年又更賜雙龍盤紐白  
玉印文曰大元帝師統領諸國僧尼中興釋教之印然則  
達本所由得號當以帝師加之也傳稱帝師之命與詔勅  
並行于西土今以此碑所云法旨其崇信又不獨西土爲

然而文記達本修復寺殿推爲百廢具舉達本信其教法之善護持者與又云寺名永慶在宋時諸帝陵寢皆以永名芝田縣作五品之軍名永安命此寺爲永慶皆與山陵同名宋史地理志永安赤奉陵寢景德四年升鎮爲縣無言以帝后陵所在命永安爲軍方輿紀要永安城在縣西四十里宋太祖昭武帝葬于此曰永安陵景德四年割鞏偃師二縣置縣以奉陵寢後爲永安軍亦未言置于何時攷徽宗紀政和三年三月戊辰升永安縣爲永安軍又牛臯傳孟邦傑復永安軍翟興傳金人犯河陽鞏縣永安軍孟邦雄墓志言葬于永安軍芝田鄉蘇村之原當僞齊阜昌四年卽紹興甲寅也錄此以爲志文舉遺

魯山縣建醫學講堂記

正書至正四年五月在魯山縣

記列賜進士從仕郎南陽府梁縣尹兼管本縣諸軍奧魯  
勸農事周尙文撰承事郎南陽府郟縣尹兼管本縣諸軍  
奧魯勸農事楊守正篆額南陽府魯山縣尉劉德修書丹  
蓋魯山醫學講堂因縣尹劉君修建遂勒其事如是劉君  
名毅字德剛曹南磬石人也後列魯山縣醫學教諭楊亨  
立石元典章至元二十二年設各路醫學教授學正訓誨  
醫生照依降去十三科題目每月習課醫義一道年終置  
簿申覆尙醫監較優劣

云

此記講堂之設殆謂是也然

縣各置一教諭較前設官更密而史志亦不悉收吾故于

此著之

重修中嶽廟碑

正書在登封縣嶽廟峻極門東至正猪兒年

碑記申飭軍民不許肆擾嶽廟住持之事其文特以國語通俗爲之元史泰定紀卽位之詔尙如此蓋取便于曉諭故也刑罰志禁令內載諸嶽瀆祠廟輒敢觸犯作踐者禁之與碑所記合其序元朝諸帝首云成吉思皇帝太祖紀元年羣臣上尊號曰成吉思皇帝以此例之下云月濶台皇帝爲太宗薛禪皇帝爲世祖完澤篤皇帝爲成宗曲律皇帝爲武宗普顏篤皇帝爲仁宗格堅皇帝爲英宗忽都篤皇帝爲明宗札牙篤皇帝爲文宗亦憐真班皇帝爲寧宗皆諡號也月濶台史云太宗諱窩濶臺譯音無正字聲相近者假借爲之然史稱諱窩濶臺而碑以曉示軍人敢

用顯斥於義必非所安疑當時淳質之俗如古帝因名爲  
號是以碑得直書之也碑稱札牙篤皇帝子頃寓歷下得  
東嶽廟元至正四年聖旨碑述自成吉思皇帝至亦憐真  
班皇帝惟不紀札牙篤皇帝與此異或初以其與於弑逆  
黜之而後復紀其號與文宗紀載後至元六年六月以帝  
謀爲不軌使明宗飲恨而崩詔除  
其廟主載除廟主詔文順  
帝紀又載此詔未暇勒正碑書年用支而不用干其稱猶  
兒年者至正七年歲次丁亥也

哈刺魯公墓碑

正醫趙孟頫撰舉出鉅臺  
書至正七年八月在汝州

碑載哈刺魯公上世居朔漠父八黑馬當太祖聖武皇帝  
時用哈刺解傳術哈魯氏故此碑云魯公侍臣薦從四太  
子南伐金定中原留鎮汝州生武畧公名虎口赤卽此碑

題稱武畧將軍者也碑言四太子宗室世系表大祖皇帝  
六子次四稔雷即睿宗也以碑証之當時有四太子之號  
而睿宗傳失載幼以父歿于敵舉字孤之典收置戎行征  
李坦圍襄樊鏖戰功多授努軍百戶坦卽李壇也又授敦  
武校尉管軍百戶戊口渚瀕江多虎公嘗射之羣獸伏不  
敢動時平章奧魯赤愛其絕藝按奧魯赤本傳二十三年  
春拜湖廣等處行中書省平章政事與碑合碑又載選充  
蒙古侍衛親軍百戶至元間乃口牧公力戰追至北海手  
擒逆黨忙哥案碑于乃下字殘滅當爲顏字世祖紀元至二  
十四年夏四月諸王乃顏反是其事也哈刺魯公後歷官  
臨清御河運糧官又授金符進階忠翊校尉南劍翼管軍

千戶所達魯花赤大德丙午卒于官所則成宗改元十年也。茲汝州東吳氏堡追封梁縣男。案後立碑爲孫口所立。蓋家于汝州蒙古色目人。冬隨桓居住是也。

正議大夫吳恭祖神道碑銘

正書至正九年六月在孟縣

碑爲翰林學士承旨榮祿大夫知制誥同修國史歐陽元  
揆中大夫禮部尙書王口書銀青榮祿大夫御史大夫口  
惟一篆額云吳恭祖字景莊年十八近臣也里失班賀  
伯顏李叔固以見世祖一見而奇之賜名忙古。解令入宿  
衛。至元二十九年貴臣徹里出爲福建等處行中書省平  
章政事入奏請以公爲本省理問官授奉訓大夫大德二  
年進奉政大夫台州路治中遷衢州路治中至大二年陞



中順大夫福寧州尹延祐二年口中大夫建寧路總管移  
興化路未至丁外艱泰定二年擢正議大夫江州總管至  
順初改福州路總管年未滿七十移文告老數年乃終于  
家恭祖史不爲立傳然以徹里之忠亮薦致爲屬固亦賢  
矣徹里本傳進拜御史中丞俄陞福建行省平章政事與  
碑合而傳未載其歲月得此乃知其當至元二十九年也  
恭祖多厚德所在稱治其事跡具此碑有圭齋集可按予  
故摭其歷官遷擢之次附于篇

重修五龍堂記

行書至正  
十三年

癸丑春予寓歷下時游潭西精舍精舍之建在城西門外  
五龍堂故有元至正癸巳重修碑記砌置牆間字已多漫

滅其前題孔顏孟三氏教授趙本撰承務郎同知濟南路  
總管府事世賢書翰林直學士太中大夫段弼題額元史  
世祖紀中統二年九月戊辰大司農姚樞請以儒人楊庸  
教孔顏孟三氏子孫詔以庸爲教授張璠傅大臣薦諸朝  
特命爲孔顏孟三氏教授今証之此記三氏學設官終元  
之世未有易也文云至正壬辰徐淮口口天兵南討順帝  
紀至正十二年秋七月辛巳命通政院使答兒麻失里與  
樞密副使禿堅不花討徐州賊八月丁卯詔脫脫以答刺  
罕太傅中書右丞相分省于外督制諸處軍馬討徐州卽  
其事然史言出師在七月八月而碑稱天子以山東地鄰  
徐淮命楊公王公使監山東以三月修城卽書于天兵南

討之下于時徐寇猖獗命師先有成議故耳後又題憲公  
乃延祐□□御史中丞夔國公之子公名文書納字國賢  
自號雙泉順帝紀十年九月三皇歲祀以醫官行事江西  
廉訪使文殊納建言禮有未備卽此結銜文書納書殊譯  
音借用無正字稱歲君癸巳與他碑稱歲次歲在者亦異

山東鄉試題名碑記

正書至正二十二年

碑在濟南府學明倫堂西偏半埋于土余手剔其文讀之  
尙可屬次所云皇帝命忠襄獻武王帥師平齊魯之年屬  
天下大比五請復舊制是秋其子中書平章河南山東知  
□皇太子擴公元臣繼承閭奇首述是事以刑部孫翥同  
儒學提舉吳君伯璋兵部員外郎龍君于鱗較其文戶部

侍郎倪君孟口蒞其事元史察罕帖木兒傳六月爲王士誠所刺詔追封忠襄王諡獻武及葬改諡忠襄順帝紀書改諡之文在十一月然則此碑立于秋故猶稱獻武也是科合格充正榜者凡廿一人文理通貫充副榜者又五人其記則朝列大夫刑部侍郎孫翥爲之翥見察罕帖木兒傳分門攻汴城者當卽其人又徵事郎河南江北等處行中書省儒學提舉吳口題額奉訓大夫中書右司員外郎權左司員外郎趙恒書丹俱顯存選舉志每處差考試官同考試各一員並於見任并在閑有德望文學常選官內選差蓋不由京官出使考校然暢師文傳言爲翰林學士延祐四年主試河南歸卒于傳舍及此碑翥與于鱗結銜

則亦以京朝官主試而吳結銜又以外行省聘請考官  
或由元之季世兼此兩制用之也

任公孝思記

正書在  
高密

碑首列授司天臺劄付四州陰陽剋擇官王彥琛書丹次  
列淦川蕭璧撰蓋以書丹冠于撰文之前當由彥琛有官  
階也元史百官志中統元年因金人舊制立司天臺設官  
屬此碑殘剝已失年月按文既稱司天臺則立石必中統  
以後矣碑述任氏先居膠東夷安之梁尹村有諱福者金  
朝屢仕至高密縣尹生一字曰興宗當元朝授管民百戶  
興宗三子次曰全全次子曰川隨李璋復璉海以功授百  
戶大軍攻樊城先登陷陣得授正百管軍自渡江以來累

獲功績遂權千戶印根隨西里罕北征祇授忠顯校尉管  
軍總把於安慶屯守移鎮常州於時十三年六十有二每  
思祖考尙在淺土欲卜葬祖塋之西南下文多不屬李瓊  
傳憲宗七年調其兵赴行在瓊親詣帝言曰益都乃宋航  
海要津分軍非便帝然之命瓊歸取漣海數州瓊遂發兵  
攻拔漣水相連四城碑載川隨李瓊復漣海者卽指其事  
然未幾從大軍攻樊城蓋能以武勇起其家宜世有後也  
川裔孫大鶴青田手摹此文屬予書之予獲交于青田自  
益都楊書殿學齋予今已窮廢爲人授徒而兩君踪跡不  
復可聞念此爲惘然者久之

授堂金石文字續跋卷十四終

安業密縣李震校